



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. LXXI. De Aedificatione castris Kunninsberg vel Tuvvangste.

urn:nbn:de:hbz:466:1-11850

bach dictum, ædificia extruerent, Magistrum hanc rem ad se deferentibus respondisse: *Löbe nicht i. e. ich gkriibe nicht/ sive ich trauenicht i. e. non credo*, inde Löbenicum dictum esse, Henneb. pag. 237. Alias me audivisse memini, *Löbenicht* dictum fuisse prius *Leuemaÿd* i. e. chara virgo, uti Germani B. Virginem appellant, idque quoniam civitas hæc B. Virgini Mariæ, vel etiam S. Barbaræ Patronæ Prussiæ fuit dedicata. Et sanè Löbnicense monasterium B. Virgini Mariæ, & Löbnicense templum, in monte situm, S. Barbaræ fuisse dedicatum, ibidem notum est in vulgus. Schuzitus à fluvio *Lebo* qui eo in loco in Pregelam se exonerat, (quem tamen hodie non reperias) vel à pago *Leben*, qui eo in loco situs erat, ubi est vetus oppidum Regiomontanum, Löbenicum dictum esse putat. *lib. II. fol. 73. b.*

CAP. LXXI.

De

*Ædificatione castri Kunninsberg
vel Tuvvangste.*

Post recessum Domini Regis de Bohemia, Magister & Fratres præparabant eâ successive, quæ ad ædificationem fuerunt necessaria, & assumptis sibi fidelibus suis Pruthenis cum magno exercitu venerunt An. Dn. MCCLV. & in eo loco, qui nunc dicitur (a) castrum antiquum, ædificaverunt castrum Kunningsberg, vocantes illud ob reverentiam Regis de Bohemia castrum Regis. Apud Pruthenos dicitur Tuvvangste, à nomine Sylvæ, quæ fuit in dicto loco, relinquentes ibi Fratrem Burgardum de Hornhusen pro Commendatore, cum multis fratribus & armigeris (b) Postea translatum fuit hoc castrum ad eum locum, ubi nunc est situm in eodem monte, & duobus muris & IX. turribus lapideis est vallatum.

ANIMADVERSIONES.

- (a) Arx Regiomontana videtur fuisse condita eo in loco, ubi nunc Hortus est Serenissimi Electoris, ut putat Casp. Hennebergerus in *Chron. pag. 168.* probatque id ex fossis illis præaltis, quæ adhuc reperiuntur. Colligi idem potest ex Dusburgii nostri *cap. CI.*
- (b) Quando illa translatio contigerit, non liquet, nisi quod suspicari liceat, in Apostasia secunda fuisse à Sambitis priorem Arcem aut planè destructam, aut saltem oppugnatam, hinc Fratres commodiorem locum arci quærere coacti sunt.

CAP. LXXII.

De

Vastatione terræ Sambicæ & ædificatione Castri V Vilavv.

Eodem anno, quo Kuningsberg fuit ædificatum, Nadrovvita, Scalovvita & Sudovvita gentes vicinæ indignatæ ex hoc, quod Sambita se fidei & fratribus subdidissent, timebant enim, quod ipsi per eos deberent etiam fidei subjugari, sicut rei eventus postea comprobavit. Undè congregatâ magna exercitus sui potentiâ, terram Sambicæ rapinâ & incendio transiverunt, captis hominibus pluribus & occisis, & dum recederent, placuit eis, ut castrum Wilovv ædificarent, ne improvisus & facilis aditus in terram Nadrovvite pateret à modo fratribus & Sambitis. Undè ædificato castro prædicto relictisque ibi Tirskone & filio suo Maydello cum multis armigeris, ad propria sunt reversi. Sed ecce mira DEI providentia in sui dispositione non fallitur: Ordinavit quod ea quæ Nadrovvita sibi fecerant in præsidium, postea fuerunt eis facta in magnum laqueum & ruinam. Tetigerat enim DEUS dictorum Tirskonis Capitanei dicti castri & vi-

rorum